

XXVIII. IGANDEA URTEAN ZEHAR (B)

Otoitza

Etor bekigu bidera, Jauna, zure grazia,
eta azkeneraino lagun izan dezagula,
beti ongi egiteko prest egon gaitezen.
Zure Seme Jesu Kristo.

I. IRAKURGAIA: Jak 7, 7-11

*Aberastasunak ezer ez zirela iritzi nuen
jakinduriaren ondoan.*

Jakinduriaren liburutik

Eskatu nuen,
eta eman zitzaidan zentzu ona;
dei egin nion,
eta etorri zitzaidan jakinduri espiritua;
errege makila
eta aulkiak baino nahiago izan nuen;
aberastasunak ezer ez zirela
iritzi nuen haren ondoan;
harri bitxiak berak ere
ez nituen haren pareko egin,
urre guztiak haren aldean
hondar pixka bat baitira,
eta zilarra, lokatza bezala.
Osasuna eta edertasuna baino
maiteago izan nuen,
ezin itzalia baita haren argia.
Harekin batean on guztiak etorri zitzaizkidan,
eta esan ezin hala ondasun, haren eskutik.

ERANTZUN SALMOA: Sal 89, 12-13. 14-15. 16-17

**R/. Zure maitasunaz ase gaitzazu, Jauna,
poztu gaitezen Zugan.**

Gure egunak bat-banatzen erakutsiezaguzu,
bihur dakigula bihotz hau zuhur.
Itzul zakizkigu, Jauna; noiz arte?
Jar zaitetz zeure morroi eta mirabeen alde. R/.

Zeure maitasunaz ase gaituzu goizean,
gure egun guztietan poztu eta alai gaitezen.
Poztu gaitzazu goibeldu gaituzun egunen ordez,
ikusi ditugun gaitz-urteen ordez. R/.

Zure lana ager bedi zure morroi-mirabeengan,
 eta zure aintza zure seme-alabengan.
 Gugana bedi Jaunaren, gure Jainkoaren, ontasuna,
 eta gure eskulanean lagun gaitzazu,
 eta gure eskuen lana lagundu ezazu! R/.

II. IRAKURGAIA: Heb 4, 12-13

*Bihotzaren erabaki eta asmoak epaitzeko gai da
 Jaungoikoaren hitza.*

Hebertarrei egindako epistolatik

Senideok: Bizia da Jaungoikoaren hitza eta eraginkorra; bi ahoko ezpata baino sarkorragoa, arima eta espirituaren tarteetaraino, giltz eta muinen tarteetaraino sartzen dena, bihotzaren erabaki eta asmoak epaitzeko gai dena. Ez da harentzat ezer ikustezinik; dena biluts eta agerian dago haren begietan; eta berari diogu kontu eman beharra.

EBANJELIOA: Mk 10, 17-30

Aleluia: Mt 5, 3

R/. Aleluia.

V/. Zorionekoak, gogoz behartsu direnak;
 berena dute eta zeruetako erreinua. R/.

Irakurgai laburragoa egin nahi bada, [] kako artean ematen den zatia utz daiteke.

Saldu dituzun guztiak, eta jarrai Niri.

Jesu Kristoren Ebanjelioa San Markosen liburutik

Aldi hartan, Jesus bidera atera zen batean, norbaitek, lasterka etorrira, aurrean belaunikaturik, galdetu zion: «Maisu on, zer egin behar dut, betiko bizia iristeko?»

Eta Jesusek berari: «Zergatik esaten didazu on? Onik ez da inor, Jaungoikoa besterik. Badakizkizu aginduak: ez inor hil, ezkontz nahasterik ez egin, ez lapurtu, ez egin gezurrezko testigantzarik, ez kendu azpikeriaz, aintzat eduki aita eta ama». Hark erantzun zion: «Maisu, guzti horiek gaztetandik bete ditut nik».

Orduan Jesusek begiz begi jarririk, honela esan zion onginahiz: «Gauza bat falta zaizu: zoaz, saldu dituzun guztiak, eta eman behartsuei; eta izango duzu gordailu bat zeruan. Eta gero zatoz eta jarrai Niri». Hitz hauekin, aurpegia ilundu zitzaion hari eta nahigabez joan zen, ondasun askoren jabe baitzen.

Orduan Jesusek, ingurura begira, honela esan zien bere ikasleei: «Bai nekez sartuko direla ondasundunak Jaungoikoaren erreinuan!» Harritu egin ziren ikasleak hitz horiekin; eta Jesusek berriro: «Semeok, bai zaila dela, beren ondasunetan ustea dutenak Jaungoikoaren erreinuan sartzea! Errazago da gamelu bat jostorrazt begitik sartzea, aberats bat Jaungoikoaren erreinuan sartzea baino».

Haiek, lehen baino harrituago, honela zioten elkarri: «Nor salba daiteke, orduan?» Jesus begira gelditu zitzaient, eta esan zien: «Gizonarentzat ezinezkoa da hori; Jaungoikoarentzat ez; Jaungoikoak guztia dezake».

[Pedro hasi zitzaion Jesusi esaten: «Hara, gauza guztiak utzi ditugu guk, Zurekin joateko». Orduan Jesusek: «Benetan diotsuet: Niregatik eta berri onarengatik etxea, edota anai-arrebak, aitamak, haurrak, nahiz lurak uzten dituena ez da geldituko ehun halako hartu gabe orain mundu honetan: etxe, anai-arreba, ama, seme eta lur, erasoaldekin; beste munduan, berriz, betiko bizia».]

Oparigaien gainekoa

Onar, Jauna, zeure fededunen eskariak eta eskaintzak;
maitasunez ospatzen dugun Eukaristia honek
eraman gaitzala zeruko zorionera.
Jesu Kristo.

Jaunartze ondorengoa

Gure Jainko handia,
apalik eskatzen dizugu,
zeure Semearen gorputz-odol santuez janaritu gaituzunok
Berarekin bat egin gaitzazula zure jainkotasunean.
Jesu Kristo.